

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127-0-Su-24-000507-16
Banovići, 18.11.2024. godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije BiH“ broj: 38/05, 22/06, 63/10, 72/10, 7/13, 52/14 i 85/21) i člana 70. stav 4. Zakona o javnim nabavkama („Službeni glasnik BiH“, broj: 39/14, 59/22 i 50/24) u postupku javne nabavke roba „Nabavka računara“, predsjednica Općinskog suda u Banovićima *donosi*

ODLUKU

o poništenju postupka javne nabavke

Član 1.

Poništava se postupak javne nabavke pokrenut putem konkurentskog zahtjeva za dostavljanje ponuda (sa namjerom provođenja e-aukcije) za nabavku roba „Računari“, JRJN-30213000-5 (Personalni kompjuteri).

Član 2.

Ova odluka stupa na snagu danom donošenja.

Član 3.

Ova odluka objavit će se na službenoj web-stranici ovog suda istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i članu 71. stav 1. Zakona o javnim nabavkama („Službeni glasnik BiH“, broj: 39/14, 59/22 i 50/24).

Obrazloženje

Na osnovu Odluke predsjednice Općinskog suda u Banovićima broj 127-0-Su-000507 od 17.09.2024. godine pokrenut je postupka javne nabavke roba „Nabavka računara“ putem konkurentskog zahtjeva za dostavljanje ponuda.

Procijenjena vrijednost javne nabavke, bez uračunatog PDV-a iznosila je 8.545,00 KM, a postupak javne nabavke se provodi po kriteriju najniže cijene.

Obavještenje o tenderskoj dokumentaciji objavljeno je na portalu javnih nabavki dana 26.09.2024. godine, pod brojem 462-7-1-8-3-2/24.

Komisija za javnu nabavku roba imenovana je rješenjem predsjednice suda broj 127-0-Su-24-000507-1 od 17.09.2024. godine. U postupku po izvještaju o

radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj prispjelih ponuda: 4 (četiri) ponude,
- da je broj blagovremeno zaprimljenih ponuda: 4 (četiri) ponude,
- da nema neblagovremeno zaprimljenih ponuda,
- da je ukupan broj prihvatljivih ponuda: 2 (dvije) ponude.

U skladu sa tenderskom dokumentacijom zakazana je i provedena e-aukcija u sistemu E-nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23). Nakon okončane e-aukcije, Komisija je utvrdila konačnu rang listu ponuđača koji su učestvovali u e-aukciji po kriteriju najniže cijene iz tenderske dokumentacije, kako slijedi:

Redni broj	Redni broj ponude prema prispjeću i firma ponuđača	Ukupna ponuđena cijena sa popustom (bez PDV-a)	Procenat umanjenja ukupne ponuđene cijene sa popustom (bez PDV-a) nakon završene e-aukcije
1.	„Emado“ d.o.o. Sarajevo	8.520,00 KM	0%
2.	Preduzetnička radnja „Media market“ vlasnik s.p. Tribulin Dejan Prijedor	8.544,00 KM	0%

Uvidom u predmet javne nabavke utvrđeno je da je izabrani ponuđač „Emado“ d.o.o. Sarajevo propustio dostaviti dokaze o kvalifikovanosti u pogledu lične sposobnosti u roku koji je određen u tenderskoj dokumentaciji, čime su se bili stekli uvjeti iz člana 72. stav 3. tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24) za dodjelu ugovora drugorangiranom najpovoljnijem ponuđaču, slijedom čega je Komisija dala preporuku predsjednici suda o izboru drugorangiranog ponuđača Preduzetnička radnja „Media market“ vlasnik s.p. Tribulin Dejan Prijedor, kao drugog najpovoljnijeg ponuđača sa sjedištem u ulici Miloša Obrenovića b.b. 79101 Prijedor. Dana 11.11.2024. godine drugorangirani ponuđač Preduzetnička radnja „Media market“ vlasnik s.p. Tribulin Dejan Prijedor, kao drugi najpovoljniji ponuđač dostavio je dokaze o kvalifikovanosti u pogledu lične sposobnosti koji su traženi tenderskom dokumentacijom, nakon čega je ugovorni organ dostavio ugovor o javnoj nabavci roba-računara u Općinskom sudu u Banovićima ponuđaču Preduzetnička radnja „Media market“ vlasnik s.p. Tribulin Dejan Prijedor na potpis. Preduzetnička radnja „Media market“ dana 18.11.2024. godine dostavila je Dopis o odustajanju od potpisivanja Ugovora ovom sudu kojim su obavijestili ovaj sud da nisu u mogućnosti isporučiti robu koja je predmet Ugovora, te da su stoga prinuđeni da odbiju potpisivanje Ugovora u predmetnom postupku javne nabavke.

Imajući u vidu naprijed navedeno, kao i to da ugovorni organ nema više mogućnost dostaviti prijedlog ugovora drugom ponuđaču da bi na taj način okončao postupak javne nabavke, to se postupak javne nabavke u skladu sa

članom 69. Zakona o javnim nabavkama okončava poništenjem postupka javne nabavke.

Kako je naprijed navedeni ponuđač odbio potpisati Ugovor u predmetnom postupku javne nabavke iz razloga nemogućnosti isporuke robe koja je predmet Ugovora, što je izvan kontrole ugovornog organa, niti je to ugovorni mogao predvidjeti u vrijeme pokretanja postupka, članom 69. stav 3. Zakona o javnim nabavkama definisano je da ugovorni organ može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

POUKA O PRAVNOM LIJEKU: Protiv ove Odluke dopuštena je žalba u pisanoj formi. Žalba se izjavljuje Uredu za razmatranje žalbi putem ugovornog organa u roku od 5 (pet) dana od dana prijema Odluke. Žalba se dostavlja u dovoljnom broju primjeraka u pisanoj formi direktno ili preporučenom poštanskom pošiljkom na adresu Općinskog suda u Banovićima, ulica Alije Izetbegovića bb, 75290 Banovići.



DOSTAVITI:

- 1x Ponuđačima koji su učestvovali u postupku JN;
- 1x U spis.